

中华全国图书馆
文献缩微中心



山西省图书馆 摄制

1989

原件收藏

山西省图书馆

原件书号

172628-37

原件状况

原件完好

[乾隆]平定州志十卷 图一卷

(清)金明源修 竇忻等纂

清乾隆五十五年涌雲樓刻本
十册

本部书共摄制 2 卷

(1) 图一卷卷一至卷七
(2) 卷八至卷十

版权所有 不准复印

本部书开始

本片卷含： 图一卷卷一至卷七

平定州志



序

乾隆四十九年甲辰余奉

命視學山右乙巳春按試平定閱
所呈州志尚未繫直隸所屬
樂平孟縣壽陽三邑各自
為志不復採入其間別類

分門不無舛錯而近事闕
焉因語署知州事蔡公曰
平定于晉為要區士習文
風頗近淳正而志闕不修
是守土者之事也蔡公欣
然任之事未歲蔡公調任

朔州繼任金公復踵修之不
匝歲而書成金公郵寄其
稿以來且旬余序覽其攷
據明確詳於舊志而部署
亦較嚴整蓋幾於作者之
林焉予維作史之難莫難

於志今

國家幅隕廣遠作述明備自
直省以及州縣靡不有志乎
定東踞井陘西鄰太原南
極遼陽北帶雁門為京師
之右背全晉之咽喉我

世宗憲皇帝御極之二年即升為
直隸不列散州誠以其地
緊望任綦重也官斯土者
考其戶口井疆措之治理
行見政通人和風淳俗美
然則是編也非即古之職

方訓方刑方之遺意也與

時

乾隆五十一年歲在丙午

季秋月望山右督學使

者大庾戴衢亨序

敘

考之周禮掌邦國之志有小史掌
四方之志有外史掌天下之志有
職方氏凡山川人物風土政治無
不散見于一區行人采之上貢于
天子太宰弊其得失而殿最焉平
定當燕趙秦蜀之衝為全晉襟喉
差使絡繹蒞茲土者朝夕倥偬不

暇何有于志是以世遠年湮其故
實多泯沒無考自明汝南宋公謀
諸州士延論倣緝舊聞聊備梗槩
始成一志垂百餘年紀載闕如後
有宦閭王公祖庚重修殘闕未備
繼則文登陶公易謀欲大加採緝
旋陞去任遺稿更多偽亂余甲辰
冬自岢嵐奉委來平越明年春

學憲戴公來州歲試謂余曰平定
為山右文物之區願志乘鄙瑣隨
摘數端俱切要害命余細加檢閱
重修余爰會集州中紳士較議俱
以為然就所簽出諸條詳請各憲
詳覈方欲肇端旋接金公涖任余
復調移朔州不能就緒方慮供億
剗剔之費甚繁恐成空舉乃賢牧

伯金公慨然為己任不數月已聞
志事告成余既服其敏決又幸一
州山川人物風土政治數百年來
前此之闕而未詳者于茲大備得
以仰副

學憲重修之命而不虛于始事之
請也因記始末附諸簡端前署平
定州事知朔武^州林蔡廷弼敘

敘

平定之為直隸州計六十餘年志
再修矣所屬三縣不與焉前之人
豈無見于此歟辟之作室然一人
而作一室規模既約增損亦易彙
衆室而為一取材有多寡營度有
後先未有不定其規模而從事者
州猶室之有堂三縣其廊廡也分

之則各為一區合之統歸于一室
要使其合也可以按籍而知其分
也亦可依類而得事之繁簡不同
地之劇易大小又異非兼總而條
貫之則無以盡其制而室有不完
矣故知其難也非特此也平定始
于宋而誤為唐之平州樂平晉郡
而訛為漢壽陽本邑而混于郡其

人物事蹟妄相稱引強非其有者
殆不可悉數是則鑿空構虛以自
為能而已奚以視後之人乎于是
又知考核之難也始署州事蔡君
倡為之草創未就余蒞任後乃取
州縣之志分門別目以州為綱而
縣從之其事之同者詳于州而略
于縣其異者則各載于其下刪其

繁蕪正其誤謬成書十卷非敢謂
前之所難今之所易也聊以補前
志所未備而無貽作室者之羞則
幾矣時乾隆丁未年仲春知平定
州直隸州事山陰金明源敘

纂修職名

鑒定

欽命巡撫山西兼管提督鹽政印務節制太原城守尉兵部侍郎兼都察院右副都御史海寧
欽命提督山西全省學政翰林院修撰加二級紀錄三次 茹茶

監修

欽命山西等處承宣布政使司布政使加三級紀錄五次 鄭源璣

欽命山西等處提刑按察使司按察使總理驛傳事務加級又加級隨帶紀錄袁顧長紱

山西守備寧道管理水利兼管驛務太僕寺卿平定州知州加級又隨帶加級紀錄袁盛祿

纂修

コクリツジ
特授山西平定直隸州知加五級紀錄十次

金明源

總理

原任江西贛州府知府

竇忻

賜同進士出身原任安徽泗州直隸州知州

張佩芳

採訪

歲貢生

楊廷佐

廩貢生

張錦書

齋廩生

盧來復

廩生

李竹

廩生

馬念祖

增生

張宗渠

附生

竇沔

附生

董執琮

校對

附生

竇陞朝

附生

李鐘萬

童生

李道涵

繪圖





原件短缺

一至五頁



州境都郵圖

園內每格方十里三縣倣此
西至奇陽縣界六十里



界三十三里



東至五縣正定府并陸縣界一百里

樂平縣境都郵圖

西至香陽縣界一百二十里

縣順和州至西南

里五十五界縣順和州至西南西



十二界州本至北

里十二界州本至北西

平定州志

里百一界縣臺那府德明縣至西南東

里五十四界



里四十二界州本至北東

里五

東至香陽縣界一百二十里

孟縣境都部圖

西至太原府陽曲縣界一百二十里

西至太原府陽曲縣界一百二十里



北至代州五州縣界 西至忻州界八里

東至南州界一百里



東至南州界一百里

東

東至南州界一百里

東至南州界一百里

東

壽陽縣境都邨圖

西至太原府陽曲縣界一百里

順和州遠至南里十八界縣次榆府原太至南西




里百一界縣



里十九界縣平樂至南東





州城圖





樂平縣城圖



孟縣城圖



壽陽城圖



州學宮圖

東



例言

一州志創自前明州人延論迨

國朝雍正二年州升為直隸志體宜視府而王志未

統載屬縣乾隆三十四年重輯猶仍其舊體制未

備今合四志總輯以符直隸州之制

一直隸州不同於府者府志合屬縣而成直隸

州則仍有州事與屬縣等今于事物之相同者總

敘以省重複人地之各出者分別以免紛繁而分

列處州不冠平定字明主客之形亦寓統屬之義

一舊分志二十門類繁雜分合不倫而各縣體復
歧出今勒為九志分三十一門以類相從而縣事
依州體分隸焉

一州舊志體例龐雜編次繁蕪樂平志仿之每况
愈下孟志則務為華飾艱澁以多為貴惟壽陽志
較為明淨而猶不無辭費之嫌今合編四志不得
僅作抄胥也爰就四志句修而字削之以就簡括
計成十卷文僅倍州舊志而于四志事無所遺庶
幾事增文省之意云爾

一舊志于藝文載

聖祖仁皇帝西巡過州

御製詩二章襄矣今恭錄為第一卷而考通志尚有
御書以

賜知州知縣諸小臣者皆仰見
天恩之優渥也竝恭誌之

一星野非一州所占而凡志例有之亦不廢焉且
昴畢參井聚訟紛紛今第就其近是者疏之而舊
志所載丹元子步天歌及占候等語荒渺無稽則

祭從畧

一舊志輿地中列都邨而未詳其坐落之方向距城之里數殊為缺畧今詳考而備書之俾有心民事者可按而稽焉

一城池公廨學校壇廟營制驛鋪皆建置事而舊各為志瑣且紛矣今以建置統之而關梁類城池寺觀類壇廟武事因營制者附見焉

一舊有賦役志而戶口附之有風俗志而物產附之倉儲則附公廨鹽法則闕焉皆未得古人志食

貨之意今以食貨統之而民俗奢儉年穀歉豐皆闕民食之贏絀故風土機祥亦入焉至舊志僅以歲時為風土茲竝補禮儀數則以俟觀民風者一賦役之徵收支解款目至詳

聖朝所以防苛歛杜侵漁也驛站亦然舊志于賦役雜亂混淆驛站則僅志其地今為考覈官案詳列于篇

一平定自元以前郡縣軍州不一官制亦因以屢更其人傳者亦鮮迨前明定州縣正佐儒學等官

國朝因之今題名敘次說畧見卷中其有政蹟可記者別誌仍舊志也

一選舉之制自宋迄今大抵重科目其得人亦最盛而前之徵辟多卓卓表見者後之例仕尤人材之數也今分列之人有多寡體無軒輊焉至

封蔭則推暨之

殊恩亦選舉之所致故類及之

一三代以後無全材士有片長皆足以自見故人

物一志分門宜廣乃不遺不雜也舊志以宦績人

物寓賢列女仙釋為五志而孝友忠義文苑若別于人物之外方技反附于仙釋之中分合比附錯雜無倫今分為八門首忠烈孝友以敘彝倫次宦績儒林以明體用次隱逸以勵志節次列女以彰婦德流寓非土著地以人重也方技有別長道以藝見也以義行附孝友則六行並稱也文苑不別記則統于儒林也仙釋附方技說詳卷中不復贅一藝文志始班固蓋蒼華百家之著述而標其目也後之志藝文者乃以詩古文詞當之州舊志中

幾居其半是選體非志體也今予所著各書仿班
志作書目至詩文散附各門或全錄或節畧取其
足以記事而已其不能盡附者別為藝苑以收之
必其文之最古及有關於志事者他若議論馳騁
之章歌咏流連之什或仙觀梵宮之碑記或家乘
墓室之傳銘無與考稽雖工勿錄至各縣更自有
成編無煩載筆也

一舊志以古蹟隸疆域已為強附更以坊表附城
池邱墓附寺觀樂平孟各志則以坊表邱墓入建

置均之舛矣今竝列為雜志更有瑣碎畸零無所
附麗及荒遠疑信難以考徵者槩以拾遺收之而
仍以相似各門微分其類

一此次纂修據採訪及各縣查呈者增入前志未
載之新事十之九前志遺漏之舊事十之一間有
查對山西通志補入者至經史百家諸書則惟舊
志搜括失當者考而辨之若舊志所無槩不蒐羅
附益蓋務多文以為富恐貽穿鑿附會之譏也識
者諒之

新通志無從購得今所據
者雍正年間之舊通志也

目錄

平定州志一

御製

平定州志二

星野志

平定州志三

輿地志

沿革

疆域

山川
附水利

都郵

平定州志四

建置志

城池 附閘梁

公廨

學校 附書院

壇廟 附寺觀

營制 附兵事

驛鋪

平定州志五

食貨志

戶口

賦役 附稅課

倉儲 附社會

物產

風土 附歲時

機祥

平定州志六

職官志

題名

政蹟

平定州志七

選舉志

薦辟

科目 附各貢 例仕

封廕

平定州志八

人物志

忠烈

孝友

附義行

宦績

儒林

隱逸

列女

流寓

方技

附仙釋

平定州志九

藝文志

書目

藝苑

平定州志十

雜志

古蹟

邱墓

坊表

拾遺

御製

聖祖仁皇帝御製詩

平定州志一

過固關

鳥道入雲中風光塞漠同人依險地立城自越山叢
俗樸觀民舍才多壯士雄芹泉連冀北回首指青驄

過平定州

勞農豈憚元英節寒景風沙透體來誌有鶴山無覓
處目前惟見凍雲迴

賜平定州知州

臣

劉享嘉

禁園秋霽

樹冷催蟬咽荷疏表影長
濃秋殘暑氣微爽待高陽
戶外遠塵蹟園中多蕙香
溶溶新雨霽吟乏愧成章
賜樂平縣知縣臣馬光

途次逢寒食

何處來春風淡蕩開晴旭
不見杏花紅纔逢柳梢綠
聖祖仁皇帝御書

賜孟縣知縣臣俞欽

欲向江東去定將誰舉杯
稽山無賀老却掉酒船回

錄唐

賜壽陽縣知縣臣劉應熙

春山繞蓮蘆白雲降幽戶
卒歲聊自娛時人莫留顧

錄朱
子詩

固關自昔稱為險要而至平定皆行巖谷中

聖祖西巡時幸此其山川之曲折民俗之樸鄙風光之

異態無一不在

睿照之中而形諸

天章惻然如傷蒼

聖祖之憂勞我民為已至矣距今且八十餘年而謳思
不忘有以也謹錄以冠志首豈第一時之幸亦以
為萬世景仰云爾

平定州知州

臣

金明源敬輯

星野志

平定州志二

天道悠遠難知往往存而不論夫以管窺天小矣
而謂管中非天可乎四遊六合大矣而謂一州一
縣非天可乎况以州統縣周輻數百里其于天象
昭然矣星紀之所以不可信者地在東而星次或
在北疑地與天不相應而歷代因之不易亦以資
占驗考得失于政治不為無助也至明以十二星
次分配天下郡縣而以平定與石忻代岢嵐保德
皆參分當時平定固屬太原一州之地爾則今又

為可不講與

周禮保章氏以星土辨九州之地所封封界皆有分星以觀妖祥註鄭司農曰春秋傳曰參為晉星鄭康成曰實沈晉也

國語實沈之虛晉人是居

帝王世紀自畢十二度至東井十五度實沈之次今晉魏分野

前漢地理志魏晉參之分又自東井六度至亢六度謂之壽星之次鄭之分野與韓同分上黨本韓

之別郡也

後漢志玉衡第九星主并州常以五申日候之庚申為太原定襄壬申為上黨

按平定漢屬太原郡
樂平漢屬上黨郡

晉志自畢十二度至東井十五度為實沈于辰在

申魏之分野屬益州又東井與鬼秦雍州太原入

東井二十九度上黨入輿鬼二度


宋洪邁曰魏分
晉地得河內河

東數十郡于益州不相干雍州為秦其下所列諸
郡又自屬并州及幽州按平定孟壽陽舊屬太原
府

唐志皆觴參伐實沈之次也申初起畢十度八百

二分十
 五太一
 中參七度
 一千五百
 終井十二度
 其分野
 得漢河東郡及上黨
今為澤潞儀沁
 太原盡西河之地皆
 實沈分也故殷河東盡大夏之墟上黨次居下流
 與趙魏相接為晉疆之分
按唐地理志武德三年分并州之樂平順平
 城石艾回縣置遼州治樂
 平先天元年改為儀州
 明志畢七度至井八度屬晉分并州山西太原府
 參分實沈之次石州代平定保德岢嵐六州平陽
 府皆參分

參宿圖



西

九旂

按參宿本位居申次五月且在卯六月且在辰七月且在巳八月且在午九月且在未十月且在申十一月且在酉十月昏在卯十一月昏在辰十二月昏在巳正月昏在午二月昏在未三月昏在申四月昏在酉七星一曰參伐一曰大辰一曰天市一曰鈇鉞凡十一度距中心第一星去極九十二度半伐三星居參腹距中星去極九十五度玉井四星在參足下去極九十八度屏二星在玉井南為屏以障廟去極一百一十五度軍井四星在玉

井南去極一百零五度半廟四星在屏星東去極一百一十度半屎一星在廟南去極一百一十度舊志載占候數條似星土所應有但天象多同吉凶非為一方且語涉無稽易滋眩惑茲故闕焉論曰星土之說由來舊矣近代纂郡縣志者或以地理沿革分合不齊難以各符保章氏星土之義削而不書或書之而儻侗及傳不能按據真實二者交譏清類天文書云山西太原府石忻代平定保德岢嵐六州平陽府皆參分其考據精且當矣

王志潭指參井昂畢固為拉雜陶志去參井而泥
昂畢尤為蒙混蓋惑于顧炎武之說謂平定非唐
之東境耳考左氏內傳后帝遷實沈于大夏主參
唐人是因杜預注唐在太原晉陽左氏外傳實沈
之虛晉人是居史記晉世家封叔虞于唐唐在河
汾之東世本唐叔居鄂宋忠曰鄂地今在大夏大
夏者晉陽也前漢書地理志太原郡晉陽縣荀悅
服虔應劭伏巖等注云故詩唐國周成王滅唐封
弟叔虞龍山在西北晉水所出後漢書郡國志太

原郡晉陽本唐國有龍山晉水所出刺史治注云
毛詩譜曰堯始都此後遷河東平陽鄴道元水經
注云晉陽縣故唐國周成王以唐滅封叔虞于唐
縣有晉水後改名晉此晉也而謂之唐有堯之道
風也魏地形記晉水亦云然括地志雖有故唐城
在絳州翼城縣西二十里之說而又云故唐城在
并州晉陽縣北二里則已自改前說矣蓋漢魏晉
六朝隋唐人遞相祖述之言是以山西通志星土
亦據左傳漢志而曰唐有晉水參為晉星蓋太原

晉陽以參宿為主此平定為唐東境而亦以參為分野也顧炎武盡翻前說獨執服虔大夏在汾澮之間一語而疑唐叔之封以迄侯緡之滅竝在于翼泥于括地志前說故唐城在翼城縣西二十里云云此直將漢魏以來遞相祖述之言一齊抹煞矣然已為同時太原閻若璩所駁云晉世家叔虞封于唐百里其子燮以晉陽晉水改為晉曾孫成侯徙曲沃八世孫緡侯徙絳不知何代徙翼昭侯封成師于曲沃曲沃大于祈都翼入春秋六年晉

逆翼侯納諸鄂謂之鄂侯鄂索隱曰今在大夏大夏者吾鄉太原縣也又後十三年曲沃滅翼王立哀侯之弟緡于晉晉亦太原縣太原至翼城六百五十里中道必由介休當日盡屬晉方得兩侯分立顧氏說非是又水經注云經書晉荀吳敗狄于大鹵杜預曰大鹵晉陽也通典亦云大鹵即太原晉陽縣也晉大鹵太原大夏參虛晉陽六名其實一也後人誤認晉之始終在平陽府一語則晉水無著落而屋土之說謬宜矣平陽府有平水水經

注云出平陽壺口山俗以為晉水非也太原為晉陽為唐之始封後為趙所有則平定為唐東境固自有據孟縣樂平壽陽舊志屬太原府今屬平定州與太原平定同主于參無論已

附州人張佩芳星土考州志以平定當主昴畢其說蓋本之通典趙地昴畢之分野西有太原定襄雲中五原上黨皆趙分皆觸參魏之分野河東平陽文城大寧昌化之南境絳郡陝郡之北境皆是然杜氏又言分野起于周季所列諸國固合同時

不應前後又其時韓趙魏未為諸侯晉國猶在豈分其土地是其說固已不能無議矣夫天道高遠當以近代為驗明志北平真定府山西大同府應朔渾源蔚四州皆昴畢分太原府石忻代平定保德苛嵐六州平陽府皆參分蓋實沈起畢七度至井八度為晉分是畢六度外皆已為參又畢去極七十五度昴去極七十度參去極九十二度昴畢在北而參在南其下所分之域何可以一宿槩之乎且以今地稽之正定平定東北二百六十里計

一度有餘大同應朔在西北八九百里幾至四度
即故為趙地亦當主參又按時歷觜三星半度太
在參左肩入畢至崇正元年已侵入參宿二十四
分知然者經星動移積久自差此尤古今之所以
不同也要而論之觜所入即參所起為畢七度之
始平定當參初度若依山河兩戒上黨次居東井
下游與趙魏接為觜觶之分則為參末度矣謹識
于此以俟後之知星者考測焉

